

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava Ministarstva za rad, socijalnu politiku i izbjeglice za 2017. godinu, broj: 02-14-2480/17 od 23.02.2017. godine i broj: 02-14-10256/17 od 13.07.2017. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 116. sjednici održanoj dana 02.11.2017. godine, d o n o s i

O D L U K U

o odobravanju sredstava za sufinansiranje prekvalifikacije, dokvalifikacije i zapošljavanja mladih osoba do 35 godina starosti kroz realizaciju projekta „Jačanje sistema srednjeg stručnog obrazovanja u Zeničko-dobojskom kantonu“

Član 1. (Predmet)

- (1) Odobravaju se sredstva Privrednoj komori Zeničko-dobojskog kantona u iznosu od 27.000,00 KM (slovima: dvadesetsedamhiljada konvertibilnih maraka) za sufinansiranje projekta „Jačanje sistema srednjeg stručnog obrazovanja u Zeničko-dobojskom kantonu“ koji se implementira u okviru Programa Prilika Plus podržanog i sufinansiranog od Vlade Švicarske.
- (2) Sredstva iz stava (1) ovog člana odobravaju se za prekvalifikaciju, dokvalifikaciju i zapošljavanje 60 mladih osoba do 35 godina starosti koje se vode kao nezaposlene osobe na evidenciji JU Služba za zapošljavanje Zeničko-dobojskog kantona.

Član 2. (Analitička konta)

Odobrena novčana sredstva iz člana 1. ove odluke isplatit će se iz Budžeta Zeničko-dobojskog kantona za 2017. godinu („Službene novine Zeničko-dobojskog kantona“ broj: 15/16 i 8/17), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 220, pozicija Budžeta: „Transfer JU Služba za zapošljavanje Zeničko-dobojskog kantona za podsticaj aktivnih mjera zapošljavanja“ na račun JU Služba za zapošljavanje Zeničko-dobojskog kantona broj:134-010-0000-2905-38 kod ASA banke d.d. Zenica.

Član 3. (Uplata sredstava)

Odobrena sredstva će se putem JU Služba za zapošljavanje Zeničko-dobojskog kantona uplatiti Privrednoj komori Zeničko-dobojskog kantona, ID broj:4218056880003 na račun broj: 1610000000020381 otvoren kod Raiffeien bank d.d. , odmah po primitku navedenih sredstava.

Član 4. (Realizacija Odluke)

Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i JU Služba za zapošljavanje Zeničko-dobojskog kantona, svako u okviru svojih nadležnosti.

Član 5.
(Izvještavanje)

- (1) Obavezuje se Privredna komora Zeničko-dobojskog kantona da po završenom projektu Ministarstvu za rad, socijalnu politiku i izbjeglice dostavi narativni i finansijski izvještaj o namjenskom utrošku doznačenih sredstava, kao i dokaze o zapošljavanju osoba.
- (2) Zadužuje se JU Služba za zapošljavanje Zeničko-dobojskog kantona da obavijesti Ministarstvo za rad, socijalnu politiku i izbjeglice o izvršenom prenosu sredstava iz člana 1. ove odluke.

Član 6.
(Stupanje na snagu)

Odluka stupa na snagu danom donošenja i biti će objavljena u „Službenim novinama Zeničko-dobojskog kantona”.

PREMIJER

Broj: 02-14-15208/17.
Datum, 02.11.2017. godine
Z e n i c a

Miralem Galijašević

DOSTAVLJENO:

- 1x Ministarstvo za rad, socijalnu politiku i izbjeglice,
- 1x Ministarstvo finansija,
- 1x JU Služba za zapošljavanje Zeničko-dobojskog kantona (putem ministarstva),
- 1x Privredna komora Zeničko-dobojskog kantona (putem ministarstva),
- 1x “Službene novine Zeničko-dobojskog kantona”
- 1x a/a.